

Z A P I S N I K

Sa 2-ge redovne sjednice Skupštine Bosansko-podrinjskog kantona Goražde, održane 9. februara 2011. godine u sali Skupštine Bosansko-podrinjskog kantona Goražde, sa početkom u 10:00 sati.

Sjednici Skupštine Bosansko-podrinjskog kantona Goražde prisustvuje 23 poslanika, i to: Frašto Emir, Mujković Dževida, Adžem Dževad, Došlo Suad, Kožo Mersudin, Nemeć-Klisura Vesna, Kurtović Mustafa, Halilović Adis, Agović Adis, Urući Nazif, Mulaćmetović Alma, Borović Mensud, Žuga Damir, Turćalo Mehmed, Brdar Kasim, Popović Sevdal, Gušo Sabina, Marić Osman, Omanović Muamer, Fejić Edim, Mujagić Rasim, Ćurović Redžo i Kulović Ahmet.

Sa sjednice odsutni: Imamović Demir i Milović Daliborka.

Pored poslanika Skupštine Bosansko-podrinjskog kantona Goražde sjednici prisustvuju: sekretar Skupštine Bosansko-podrinjskog kantona Goražde Bašić Midhat, sekretar Vlade Bosansko-podrinjskog kantona Goražde Sijerčić Emir, ministri u Vladi Bosansko-podrinjskog kantona Goražde: Pleh Muhidin, Sipović Nusret, Delizaimović Alma i Janković Radmila, Šunja Ahmet, predstavnik Ministarstva za urbanizam, prostorno uređenje i zaštitu okoline, predstavnici Njemačkog LOT tima, predstavnik OSCE-a, predstavnik CCI-a, te predstavnici sredstava javnog informisanja.

Skupštinom Bosansko-podrinjskog kantona Goražde predsjedava predsjedavajući Skupštine Bosansko-podrinjskog kantona Goražde Urući Nazif, a zapisnik vodi Burhan Safeta.

Urući Nazif - predsjedavajući Skupštine

Zapisnik sa 1-ve redovne sjednice ste dobili. Otvaram raspravu. Da li ima primjedbi?

Pošto se niko ne javlja za riječ zaključujem raspravu i stavljam na glasanje zapisnik sa 1-ve redovne sjednice Skupštine Bosansko-podrinjskog kantona Goražde.

Ko je za, molim, da digne ruku? /23 poslanika/

Ima li neko protiv? /Niko/

Da li se neko uzdržao od glasanja? /Niko/

Konstatujem da je, jednoglasno, sa 23 glasa „za“ Skupština Bosansko-podrinjskog kantona Goražde usvojila zapisnik sa 1-ve radne sjednice Skupštine Bosansko-podrinjskog kantona Goražde.

Za današnju sjednicu Skupštine Bosansko-podrinjskog kantona Goražde predlažem slijedeći:

D n e v n i r e d

1/ Prijedlog Odluke o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine,

2/ Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde.

Urući Nazif - predsjedavajući Skupštine

Otvaram raspravu po predloženom dnevnom redu.

Pošto se niko ne javlja za riječ, zaključujem raspravu i pozivam poslanike da se izjasnimo o predloženom dnevnom redu.

Ko je za, molim, da digne ruku? /13 poslanika/
Ima li neko protiv? /7 poslanika/
Da li se neko uzdržao od glasanja? /3 poslanika/

Konstatujem da je Skupština Bosansko-podrinjskog kantona Goražde sa 13 glasova „za“, 7 „protiv“ i 3 „uzdržana“ glasa usvojila predloženi dnevni red.

Tačka 1.-

Prelazimo na 1-vu tačku dnevnog reda: Prijedlog Odluke o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine.

Obrazloženje po Prijedlogu Odluke o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine, dao je ministar za finansije Muhidin Pleh i predložio da se izvrši tehnička ispravka člana 3. ove Odluke i da glasi: „Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“, a primjenjivat će se od dana primjene Odluke o privremenom finansiranju Budžeta Bosansko-podrinjskog kantona Goražde za period 01. 01. – 31. 03. 2011. godine“.

Uruči Nazif – predsjedavajući Skupštine

Otvaram raspravu po Prijedlogu Odluke o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine.

Pošto se niko ne javlja za riječ, zaključujem raspravu i stavljam na glasanje Prijedlog Odluke o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine, sa izmjenom člana 3. koju je predložio ministar finansija.

Ko je za, molim, da digne ruku? //18 poslanika/
Ima li neko protiv? /Niko/
Da li se neko uzdržao od glasanja? /5 poslanika/

Konstatujem da je Skupština Bosansko-podrinjskog kantona Goražde sa 18 glasova „za, niti jednim „protiv“ i 5 „uzdržanih“ glasova donijela Odluku o izmjenama i dopunama Odluke o privremenom finansiranju Bosansko-podrinjskog kantona Goražde za period od 01. 01. do 31. 03. 2011. godine.

Tačka 2.-

Prelazimo na 2-gu tačku dnevnog reda: Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde.

Uruči Nazif – predsjedavajući Skupštine

Pored, u potpunosti usaglašenog prijedloga ove Odluke na Kolegiju Skupštine, došlo je do izmjena, a dostavljeni su i određeni amandmani. Svi amandmani nisu u potpunosti jasni. Možemo, u plenumu, raspravljati amandmane, ili da Privremena komisija za izbor i imenovanje pregleda sve

amandmane i predloži Odluku o izboru stalnih i povremenih radnih tijela Skupštine Bosansko-podrinjskog kantona Goražde. U tom slučaju potrebno je napraviti pauzu.

Otvaram raspravu po Prijedlogu Odluke o izboru stalnih i povremenih radnih tijela Skupštine Bosansko-podrinjskog kantona Goražde.

Žuga Damir – Na Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde, ulažem slijedeći:

A m a n d m a n

Član 3. Prijedloga Odluke o izboru stalnih i povremenih radnih tijela Skupštine Bosansko-podrinjskog kantona Goražde, mijenja se i glasi: „Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“.

Zamolio bih predsjednicu Privremene komisije za izbor i imenovanje da iznese stav Komisije po Prijedlogu Odluke o izboru stalnih i povremenih radnih tijela Skupštine Bosansko-podrinjskog kantona Goražde, a Klub poslanika Stranke za Bosnu i Hercegovinu podržat će Prijedlog Odluke koji je predložila Privremena komisija za izbor i imenovanja.

Dalje, u diskusiji po Prijedlogu Odluke o izboru stalnih i povremenih radnih tijela Skupštine Bosansko-podrinjskog kantona Goražde učestvovao je Rasim Mujagić i predložio pauzu od 30 minuta kako bi se usaglasio Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde

Uruči Nazif – predsjedavajući Skupštine

Zamolio bih predsjednicu Privremene komisije za izbor i imenovanja da iznese stav Komisije.

Mujković Dževida – predsjednica Privremene komisije za izbor i imenovanja

Privremena Komisija za izbor i imenovanja Skupštine Bosansko-podrinjskog kantona Goražde, na sjednici održanoj 24. januara 2011. godine, razmatrala je prijedloge za popunu radnih tijela Skupštine Bosansko-podrinjskog kantona Goražde, pa na osnovu člana 47. Poslovnika Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/,

P R E D L A Ž E

Da Skupština Bosansko-podrinjskog kantona Goražde donese Odluku o izboru stalnih i povremenih radnih tijela Skupštine Bosansko-podrinjskog kantona Goražde.

Pošto ste dobili Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde, nema potrebe da čitam imena.

O B R A Z L O Ž E N J E

Poslovníkom Skupštine Bosansko-podrinjskog kantona Goražde /“Službene novine Bosansko-podrinjskog kantona Goražde“, broj: 10/08/, utvrđeno je da Skupština, u svrhu olakšanja rada Skupštine i unapredjenja efikasnosti i efektivnosti ukupnog skupštinskog rada, formira svoja stalna, povremena i privremena radna tijela, te da se radna tijela formiraju proporcionalno stranačkom sastavu Skupštine.

U skladu sa članom 24. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 10/08/, parlamentarne stranke koje participiraju u Skupštini Bosansko-podrinjskog kantona Goražde, a na zahtjev Kolegija Skupštine Bosansko-podrinjskog kantona Goražde, dostavile su prijedloge za popunu radnih tijela Skupštine.

Na osnovu pristiglih prijedloga Kolegij Skupštine Bosansko-podrinjskog kantona Goražde izvršio je raspodjelu pozicija u radnim tijelima Skupštine.

Političke partije koje participiraju u Skupštini Bosansko-podrinjskog kantona Goražde su dostavile po jedan prijedlog za svaku poziciju u komisijama, s tim da je Narodna stranka radom za boljitak imala jedan prijedlog od strane Kluba poslanika u Skupštini BPK-a, a Privremena Komisija za izbor i imenovanja Skupštine BPK-a Goražde, naknadno je zaprimila dopis Narodne stranke radom za boljitak, broj: ZB-02-00-11/11 od 20. 01. 2011. godine.

Privremena komisija za izbor i imenovanja Skupštine Bosansko-podrinjskog kantona Goražde sa 4 glasa „za“ i 2 „uzdržana“ glasa podržala je prijedlog Kluba poslanika Narodne stranke radom za boljitak, te predlaže Skupštini Bosansko-podrinjskog kantona Goražde da donese Odluku o izboru stalnih i povremenih radnih tijela Skupštine Bosansko-podrinjskog kantona Goražde.

Turčalo Mehmed – Klub poslanika Stranke za Bosnu i Hercegovinu podržat će Odluku o izboru stalnih i povremenih radnih tijela Skupštine Bosansko-podrinjskog kantona Goražde, koju je predložila Privremena komisija za izbor i imenovanja i smatramo da podnešene amandmane ne treba ni čitati, jer nemaju težinu.

Uruči Nazif – predsjedavajući Skupštine

Amandmane na Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde dostavila je Narodna stranka radom za boljitak, Klubovi poslanika Socijaldemokratsek partije BiH i Stranke demokratske akcije i poslanica Daliborka Milović. Imamo i Amandman koji je iznio poslanik Damir Žuga. To su četiri amandmana o kojima se treba izjasniti.

Ćurović Redžo – Ispred Kluba Bosansko-hercegovačke patriotske stranke „Sefer Halilović“, predlažem izmjene u članu 1. j/ Odluke o izboru stalnih i povremenih radnih tijela Skupštine Bosansko-podrinjskog kantona Goražde umjesto imena „Ćurović Redžo“ da stoji ime „Mujagić Rasim“.

Uruči Nazif – predsjedavajući Skupštine

Predlažem da g-din Ćurović Redžo podnese pismeni Amandman na Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde.

Zaključujem raspravu po Prijedlogu Odluke o izboru stalnih i povremenih radnih tijela Skupštine Bosansko-podrinjskog kantona Goražde i na zahtjev predsjednika Kluba poslanika Narodne stranke radom za boljitak dajem pauzu od 30 minuta, kako bi se očitovala Privremena komisija za izbor i imenovanje po predloženim amandmanima.

/Završena pauza/

Dalje, u diskusiji, učestvovao je Mujagić Rasim.

Uruči Nazif – predsjedavajući Skupštine

Pozivam predsjednicu Privremene komisije za izbor i imenovanja da iznese stav Komisije.

Mujković Dževida – predsjednica Privremene komisije za izbor i imenovanja

Privremena komisija za izbor i imenovanja Skupštine Bosansko-podrinjskog kantona Goražde, razmatrala je dostavljene amandmane na Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde. Od pet pristiglih amandmana Privremena komisija za izbor i imenovanje prihvatila je Amandman poslanika Žuga Damira, s tim što treba da se tačno definiše član 3. Odluke. Što se tiče ostala četiri amandmana Komisija je zaključila da se Skupština Bosansko-podrinjskog kantona Goražde treba da izjasni o predloženim amandmanima s obzirom da se može desiti poremećaj u raspodjeli pozicija, kako partijskoj tako i po imenima.

Uruči Nazif – predsjedavajući Skupštine

Pozivam poslanik Žuga Damira da iznese Amandman na član 3. Odluke.

Žuga Damir - Član 3. mijenja se i glasi:

„Ova Odluka stupa na snagu danom objavljivanja u „Službenim novinama Bosansko-podrinjskog kantona Goražde“.

Uruči Nazif – predsjedavajući Skupštine

Stavljam na glasanje Amandman klubova poslanika Socijaldemokratske partije Bosne i Hercegovine i Stranke demokratske akcije.

Ko je za, molim, da digne ruku? /13 poslanika/

Ima li neko protiv? /10 poslanika/

Da li se neko uzdržao od glasanja? /Niko/

Konstatujem da je Skupština Bosansko-podrinjskog kantona Goražde sa 13 glasova „za“, 10 „protiv“ i bez uzdržanih glasova prihvatila slijedeći Amandman na Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde:

U članu 1. Prijedloga Odluke:

- pod tačkom b) redni broj 4 – umjesto Fejzić Edim predlaže se Milović Daliborka
- pod tačkom g), redni broj 2 – umjesto Milović Daliborka predlaže se Mujagić Rasim
- pod tačkom j/, redni broj 3 – umjesto Mujagić Rasim predlaže se Fejzić Edim.

Stavljam na glasanje Amandman Narodne stranke radom za boljitak.

Ko je za, molim, da digne ruku? /Niko/

Ima li neko protiv? /17 poslanika/

Da li se neko uzdržao od glasanja? /6 poslanika/

Konstatujem da sa 17 glasova „protiv“ i 6 „uzdržanih“ glasova Skupština Bosansko-podrinjskog kantona Goražde nije prihvatila Amandman Narodne stranke radom za boljitak.

Stavljam na glasanje Amandman poslanice Milović Daliborke.

Ko je za, molim, da digne ruku? /3 poslanika/

Ima li neko protiv? /9 poslanika/

Da li se neko uzdržao od glasanja? /11 poslanika/

Konstatujem da je sa 3 glasa „za“, 9 „protiv“ i 11 „uzdržanih“ glasova Skupština Bosansko-podrinjskog kantona Goražde nije prihvatila Amandman poslanice Milović Daliborke.

Stavljam na glasanje Prijedlog Odluke o izboru stalnih i povremenih radnih tijela Skupštine Bosansko-podrinjskog kantona Goražde sa prihvaćenim amandmanima.

Ko je za, molim, da digne ruku? /13 poslanika/
Ima li neko protiv? /7 poslanika/
Da li se neko uzdržao od glasanja? /3 poslanika/

Konstatujem da je Skupština Bosansko-podrinjskog kantona Goražde sa 13 glasova „za“, 7 „protiv“ i 3 „uzdržana“ glasa donijela Odluku o izboru stalnih i povremenih radnih tijela Skupštine Bosansko-podrinjskog kantona Goražde.

Uruči Nazif – predsjedavajući Skupštine

Ovim smo zaključili rad 2-ge redovne sjednice Skupštine, ali moram da istaknem slijedeće. Da pozdravim poslanicu sa područja Bosansko-podrinjskog kantona Goražde u Predstavničkom domu F/BiH g-dju Belkisu Vehabović i mislim da je dobra praksa da prisustvuje sjednicama Skupštine Bosansko-podrinjskog kantona Goražde i da razmijenimo mišljenje po materijalima koji se dobijaju sa viših nivoa.

Takodjer, želim svima vama da se izvinim, kao što sam to učinio na Kolegiju Skupštine za sjednicu koja prošli put nije održana. Ne smatram da sam isključivi krivac i nije bilo nikakve zle namjere.

Želim da vas informišem da je danas predsjedavajući Skupštine Bosansko-podrinjskog kantona Goražde izvršio imenovanje mandatar Bosansko-podrinjskog kantona Goražde uz konsultaciju sa dopredsjedavajućom g-djom Vesnom Nemeć-Klisura. Nažalost, takvu jednu saglasnost, mada ona nije neophodna, poslanica Milović nije dala, da li iz ljutnje, ne znam iz kojih razloga, ali prema Poslovniku Skupštine isključivo pravo i obaveza je predsjedavajućeg da imenuje mandatar. Ja sam to i učinio zato što smo jučer dobili u Sarajevu uvjerenja ona koja su nam trebala i od danas imamo mandatar u Bosansko-podrinjskom kantonu Goražde, a to je gosp. prim.dr. Emir Frašto.

Frašto Emir – kandidat za premijera Bosansko-podrinjskog kantona Goražde

Gospodo predsjedavajući, dame i gospodo, poslanici, gosti, imat ćemo posla. Ovo nije ekspozé. Da vam se zahvalim za ukazano povjerenje i čast. Mislim da ću ovu funkciju obavljati s punim poštovanjem, da ćemo imati tri prioriteta. Ova sredina očekuje od nas da imamo Budžet koji bi trebao da ima neke naznake. Opredjeljenje na kojem ćemo se prvo angažovati, obzirom da je Federacija usvojila Zakon o platama, pa je tu neka dubioza koju bi mi trebali da dovršimo. Ono što nas ineteresuje ostalo jesu dvije stvari. Da li ćemo nešto učiniti za nezaposlene? Da! Učinit ćemo. To je jedan od prioriteta i drugi, jeste briga i skrb o starim, kako socijalna tako i zdravstvena. To će biti neki prioriteti u narednom periodu. Hvala!

Pošto je dnevni red iscrpljen predsjedavajući Skupštine Bosansko-podrinjskog kantona Goražde g-din Nazif Uruči zaključio je 2-gu redovnu sjednicu Skupštine u 12:00 sati.

SEKRETAR SKUPŠTINE

Bašić Midhat

PREDSJEDAVALJUĆI SKUPŠTINE

Uruči Nazif

